

根本說一切有部毗奈耶卷第三十 優十

唐三藏法師義淨奉 制譯

故放身坐卧脫脚牀學處第十八

爾時薄伽梵在室羅伐城逝多林給孤獨園  
時具壽鄖波難陀至彼衆多少年苾芻處勸  
喻曰汝等共我人間遊行必當降伏他宗自  
獲名稱汝等若欲讀誦禪思及以衣食病緣  
所須皆令無缺時諸少年雖聞此勸共知鄖  
波難陀稟性惡行不堪共居竟無一人許共  
同去時有乞食苾芻聞其覓伴遂告鄖波難

陀曰我共大德人間遊行有同行人報乞食  
者曰此鄖波難陀爲人惡行汝今隨去必遭  
惱觸遂報同梵行者曰我滿十夏不依止他  
亦不就彼求受學業彼於我處欲何所爲知  
識報曰不相用語後自當知不受勸言遂與  
同去出至界外時鄖波難陀報云乞食者汝  
可爲我擎持衣袋吾年衰朽且宜相助乞食  
者答曰大德豈可不見佛法僧寶勝妙福田  
持以奉施而多畜此生惱物耶報乞食者曰  
我遣擎物汝不肯持亦未乘理然汝非我二

師輒相訶責斯宣合耶時鄖波難陀便作是念此乞食者未須與語且忍共去後自當知遂漸遊行至一聚落即於林外詣井池邊俱共憩息村中有寺打犍椎聲時乞食者既聞聲已報言大德寺鳴犍椎我欲往看報言具壽此乃多是黑鉢之類嬾修善品鳴椎集僧別有作務我等既疲道路誰能共彼執作乞食者曰或是分利鍵椎我既及界理合得之鄖波難陀曰汝宜可去若是分利鍵椎者亦取我分答云如是遂至寺中問知乃是分卧

具犍椎主人苾芻報云阿瑜率漫宜受卧具報言我有大者亦爲受不問彼是誰報云是大德鄖波難陀答曰彼人衆所識知亦爲取分即便兩人卧具皆悉受之時鄖波難陀在於井處廣問諸人兼爲說法具如前說諸人既散時景將曛便入寺中高聲大喚彼乞食者在閣下房閉戶而卧聞喚聲已報言大德何爲高聲我於上房已爲敷置眠卧之具及洗足物並在一邊就彼應卧報言乞食者可爲開房欲有商度彼作是念若容入房乃至

天明言未能了我今宜即不與開門報言大德我行疲極無暇商量設有平章待至天曉時鄔波難陀知其意止不爲開門即向上房洗足入室問曰得塗足油安在何處報曰近在牀邊鄔波難陀善知聲相觀其卧處即移牀脚安彼頭邊放身而坐令牀脚脫打破彼頭報云大德打破我頭極爲苦痛鄔波難陀報云乞食者何故頭破彼作是念我若苦言或容更打即默爾而住至天曉已便往就別報言大德我今欲去問曰汝欲何之答曰向

室羅伐城報云且住我當給汝病藥所須答言大德我本無病故破我頭設更有疾豈能瞻養說是語已捨之而去還逝多林時同梵行者見唱善來問安樂不報言被打頭破何有安樂具以緣告時諸苾芻聞是事已共生嫌賤云何苾芻優十在上棚卧知脫脚牀放身而坐令牀脚脫打破他頭以此因緣具白世尊世尊集衆問鄔波難陀曰實作如是惱亂事不白言實爾世尊種種訶責廣說乃至爲諸苾芻制其學處應如是說

若復苾芻於僧住處知重房棚上脫腳牀及  
餘坐物放身坐卧者波逸底迦

此皆無犯又無犯者謂最初犯人或癡狂心  
亂痛惱所纏

用蟲水學處第十九

者亦如上知者或時自作或被他教重房者  
謂居重閣危朽棚上脫腳牀者謂此牀脚不  
連上蓋及餘諸座放身坐卧者謂極縱身或  
坐或卧故今脚出傷損他人波逸底迦者廣  
釋如上此中犯相其事云何若苾芻知僧房  
舍有脫脚牀縱身坐卧欲惱他者皆得墮罪  
若是板棚或是軋地或脚以板支或時仰著

佛在憍闊毗瞿師羅園爾時具壽闡陀以有  
蟲水澆草土牛糞等諸苾芻見告云具壽闡  
陀勿以有蟲水澆草土牛糞等闡陀報曰豈  
諸生命我喚將來豈復有人數以相付豈可  
欲去我不聽行四海寬長因何不去江河池  
沼蓋甕錘塢何不走入諸有少欲苾芻聞是  
語已共生嫌賤云何苾芻以有蟲水將澆草

等自作使人不顧生命時諸苾芻以緣白佛  
佛以此緣集諸苾芻問闡陀曰汝實用蟲水  
及以教人澆草等耶實爾大德世尊以種種  
訶責非出家人所應作事讚歎少欲尊重戒  
者廣說如前乃至制其學處應如是說

卷十  
若復苾芻知水有蟲自澆草土若和牛糞及  
教人澆者波逸底迦

若復苾芻知水有蟲自澆草土若和牛糞及  
教人澆者波逸底迦

土若和牛糞等者得波逸底迦義如上說此  
中犯相其事云何若苾芻於有蟲水作有蟲  
想若自用若教人用澆草等得波逸底迦疑  
亦如是若水無蟲作有蟲想用時得惡作罪  
疑亦如是若苾芻河池水處多有蟲魚苾芻  
殺心決去其水隨有蟲魚命斷之時皆得墮  
罪若不死者皆得惡作若於此水處堰之令  
斷於其下畔隨蟲命斷或時不死得罪同前  
若無殺心者無犯又無犯者謂最初犯人或  
癡狂心亂痛惱所纏

造大寺過限學處第二十

佛在憍門毗目佳師羅園爾時六衆苾芻無於他寺生輕賤心作如是語此寺崩墮猶如客舍象馬之廄諸苾芻聞已告言具壽仁等於他住處得便居止而自不能安一基石依他

經卷五

處所強作譏嫌六衆聞已時難陀鄒波難陀共相告曰我等常被諸黑鉢類之所欺輕云汝恒居他寺自無居止乃至一石不能安置我等今應共造一寺今諸黑鉢曾所未覩于時難陀告鄒波難陀曰若我六人皆營作者

詎餘黑鉢得我瑕釁作如是說六衆苾芻不修善品悉皆營作我等所有施食之家勸令心變我等宜應於六人內揀取一人識性聰敏善解說法能令細針引入麤杖我等六人誰能如是鄒波難陀曰具壽闡陀衆所識知辯才無礙能作如是針杖相隨阿說迦曰若如是者應可詳去共請其人勸爲授事即便詳去告闡陀曰具壽當知我等常被諸黑鉢者之所欺弄而云我輩恒居他寺多生譏恥乃至不能自安一石今應共造一寺今諸黑

鉢曾未見聞我等共營恐招識議云往時六衆今作傭人具陳可不共請之曰大德仁可發勇猛志作授事人爲諸僧伽造一住處報云善哉既是勝田我當爲作于時闡陀受衆勸已即便洗足入已房中結跏而坐通宵不寐作如是念以何方便我爲僧伽能建大寺復更思惟今此世間人天諸衆於世尊所普生敬信彼某甲家於馬勝所偏生敬信彼家於吠陀羅所彼家於婆濕波所彼家於大名所彼家於滿慈所彼家於無垢所彼家於牛

王所彼家於舍利子所彼家於大目連所如是及餘諸大苾芻皆有施主別生敬信我既無別施主當憑告誰而能造寺時此城中有一長者大富多財稟性慳惜乃至滌器濁水亦不惠人若能化彼今生信敬可爲僧伽造成大寺是時闡陀至天明已著衣持鉢入憍闍毗而行乞食先於餘家乞得麩已便詣彼長者家欲入其舍時守門者告言聖者此是大長者家無宜輒入闡陀報曰如佛世尊乞食之人但遮五處一唱令家二姪女家三酷

酒家四旃茶羅家五王家豈可此家是前五種時守門人報言聖者大爲譏弄此非唱令乃至王家然是某甲長者之宅仁不須入是時闡陀便作是念求執衣裾尚不聽近欲求餘物其可得乎于時有一長者新誕孩兒爲大歡慶奏諸鼓樂多將舞者在門前過彼守門者貪觀妓樂便離其門是時闡陀即便竊入時彼具壽威儀庠序如離欲人長者遙見告曰善來大德闡陀宜於此坐暫時居止而言談由緒未得其便告長者曰我已巡門乞

得片麁仁可爲羅長者告婢可爲羅麁其婢爲羅是時闡陀觀所羅麁長者問曰仁何所觀闡陀告曰我欲觀蟲若有蟲者我不應食長者報曰若食蟲者當有何過報曰如世尊言若殺生者由數習故身壞命終墮於地獄後十餓鬼傍生受諸苦惱設生人中短命多病然闡陀茲芻妙閑三藏得無礙辯善識時宜應機說法即爲長者宣說法要讚修十善毀行十惡時彼長者既聞法已心生敬信即便入舍令辦種種上妙飲食并諸異味盛滿槃器

持來供奉闡陀見已即便生念我聞木釜一  
煮便休若受此施即爲前食亦爲後供而告  
之曰施主我已受得他所施麁豈容見棄歟  
美食耶長者曰我等俗法先得麁食後逢美  
妙棄前惡食實無慙咎闡陀報曰長者俗人  
無戒隨意所爲我受戒品豈得同彼受他信  
施輒輕棄耶是時長者聞此語已倍生深信  
闡陀即便見辭而去長者告曰大德於時時  
間賜過我舍即便報曰我實欲得數數相遇  
而守門人猶如暴惡琰摩獄卒不聽前進于

時長者喚守門人告云汝見聖者闡陀入時  
不應遮止答曰依教是時闡陀便即思念若  
更有餘黑鉢者入不識機宜令其失信我今  
宜可預設方便不令其入報守門者曰咄男  
子汝今知不此家長者我以大緣令其敬信  
門人報曰我已知之告云汝從今後勿令諸  
餘黑鉢之輩輒入此門若放入者我令長者  
與汝重杖替以別人彼便報曰仁入此門非  
我所欲豈令餘者而輒進耶請勿爲慮是時  
闡陀於時時間來詣其舍爲長者夫婦宣揚

妙法今受三歸持五學處時長者報曰聖者  
若於資緣有所須者於我家中隨意當取請  
勿爲外于時闡陀雖聞此告一無所受後於  
異時來過其宅爲彼長者讚說七種有事福  
業長者聞說福利深生歡喜白闡陀曰聖者  
我今欲修有事福業答言賢首今正是時隨  
意當作長者曰欲作何事闡陀報曰可爲衆  
僧營造住處長者便念我已屢將家資奉施  
乃至縷線曾不見受今時雖許復爲衆僧觀  
此知足我深敬重白言大德今我舍內多有

財賄得爲僧伽造立住處然無助我檢校之  
人闡陀報曰我願助汝成斯福事于時闡陀  
報長者曰仁今當往詣僧伽處諮問大衆求  
請我作檢校之人長者報云善哉我去即與  
闡陀相隨向寺入大衆中禮僧足已敬白大  
衆此聖者闡陀樂爲衆僧興造住處我爲施  
主幸願僧伽慈悲聽許差作授事人爾時舍  
利子爲衆上座見長者請便作是念此六衆  
輩比不被差常惱僧衆況今差遣相惱不疑  
報言具壽闡陀我昔營造逝多園林誰復差

我具壽大准陀造此瞿師羅園亦是誰差作  
汝若欲爲衆僧造住處者當自檢校何待衆  
差聞陀聞已便作是念黑鉢之徒不欲見我  
何況差許爲授事人衆既不差便共長者俱  
時起去詣長者家多取錢物徃作覈人處告  
四  
云賢首汝等豈能於一日中以成熟覈造三  
層寺一百口房不覈匠答曰若多與錢物衆  
人共爲此應可辦即隨索多少給與其錢次  
向壘覈匠處告云賢首汝等豈能於一日中  
刻削熟覈造三層寺不次向木匠處告云賢

首汝等豈能於一日中總集諸木造三層寺  
不次向泥匠及畫工處各隨所作問答同前  
次復多覈傭力之人將入寺中併功相助造  
三層寺一日便成然造寺時下無水竇上無  
泄渠戶中窓牖皆不安置無疎通處形若方  
篇但有小門纔通出入營造既訖便徃至彼  
長者之家報云長者造寺已成應爲慶讚長  
者答曰今特不辦明日當作爾時世尊便作  
是念六衆闡陀所造之寺於後夜分必定崩  
隕若我及僧衆不爲受用所造寺者彼之施

主見寺崩壞生大懊惱必歐熱血而取命終  
世尊告阿難陀曰汝今宜於瞿師羅園諸苾  
芻處而告之曰汝諸苾芻我每爲說密修善  
行發露衆罪汝等若有獲得勝定當以定力  
於初夜分往詣闡陀所造寺中各修善品時  
阿難陀奉佛教已告諸苾芻曰諸具壽世尊  
有教我每爲說密修善行發露衆罪汝等若  
有獲得勝定當以定力於初夜分往詣闡陀  
所造寺中各修善品時諸苾芻聞是語已得  
勝定者如佛所教往彼寺中隨修善品召世尊

便於半夜亦往寺中起世俗心諸常法若  
起世俗心者帝釋諸天悉皆知意是時帝釋  
諸天來詣佛所禮佛足已在一面坐佛爲宣  
說諸法無常禮佛足已忽然不現時諸苾芻  
與佛俱去至後夜時四面雲起風驚雷震便  
下大雨滿彼寺中形如大篋水無出處其水  
盈十  
漫漬寺便崩倒至天明已六衆聞之總生惶  
怖悉皆逃走時彼施主即於是日車載種種  
上妙飲食來詣寺所欲伸慶讚問苾芻曰我  
所造寺何者是耶有一苾芻晚暮出家與彼

六衆先有瑕隙報長者曰此是汝等猶如駱  
駝蹲伏崩倒汝須存意入已寺中勿令門額  
觸汝頭髮長者見已作如是念我捨珍財其  
數無量未曾受用遂見崩噴即便懊惱悶絕  
于地時諸親族以冷水灑面得少蘇息世尊  
爾時命具壽阿難陀曰汝今宜往告彼長者  
曰多有施主奉爲如來造立房舍然佛世尊  
竟不受用於彼施主福亦隨生何況汝寺於  
初夜時有耆宿德行苾芻皆入受用於後夜  
分世尊自往及帝釋諸天皆來雲集入汝寺

中共爲受用宣說妙法汝之福利無量無邊  
當須歡喜勿爲憂悒時阿難陀奉佛教已詣  
長者所具以佛語告之長者聞已白阿難曰  
大德世尊大悲入我寺中爲受用耶阿難陀  
曰已爲受用長者曰大德若佛世尊入我寺  
第十一  
中已爲受用者我能日日奉爲世尊造斯住  
處爾時長者問諸人曰我善知識六衆苾芻  
今在何處六衆傳聞長者見問皆疾來至到  
長者所長者即便請其食已便以新疋人奉  
一張苾芻所須資具之物隨意供給時諸苾

芻見是事已報六衆曰仁等能爲長者造立大寺實是牢固六衆答曰汝何見譏我等六人能令長者深生敬信雖復損失財物然於我等敬信彌隆供以上餐人奉一毘沙門資具隨意當給其少欲苾芻聞是語已共生嫌賤云何六衆苾芻於所作事理應羞恥反更自高時諸苾芻即以此緣具白世尊世尊集僧告六衆曰汝等實作如是不端嚴事耶六衆白言實爾大德世尊以種種訶責廣說如前乃至爲諸苾芻制其學處應如是說

若復苾芻作大住處於門樞邊應安橫居及諸窓牖并安水竇若起牆時是濕泥者應二三重齊橫居處若過者波逸底迦

若復苾芻者謂是六衆大者有二種一施物大二形量大此謂形量大言住處者謂於其中得爲行住坐卧四威儀事作者或自作或使人於門樞邊應安橫居及窓牖水竇若起牆時是濕泥者始從治地築基創起牆壁是濕泥者應二三重布其模鑿若過著者得波逸底迦釋義如上此中犯相其事云何若苾

芻爲僧造大寺用濕泥鑿及曳泥模過二三  
重作者皆得墮罪若是熟輒及以石木或可  
施主欲得疾成雖過重數並皆無犯又無犯  
者謂最初犯人或癡狂心亂痛惱所纏時諸  
第十一  
苾芻咸皆有疑請世尊曰具壽闍陀求僧差  
作授事人時有何因故尊者舍利子方便遮  
止而不聽作佛告諸苾芻此舍利子非但今  
日以善方便遮止闍陀乃往古昔亦曾遮止  
汝等應聽於過去世雪山之中極深險處有  
大群鳥依止而住中有鳥王共相統領因遭

疾病遂致命終時諸群鳥既無其主更互相  
欺爲不饒益時諸群鳥共集一處而相告曰  
我等無主不可久存欲覓鳥王同爲灌頂共  
相領立我於何處當可得耶去斯不遠有老  
鶴鵠衆皆議曰此鳥者宿堪可爲主我等若  
扶必有弘益去此非遠有一鸚鵡稟性聰慧  
善識機宜我等共問扶鶴鵠爲主是事可不  
即共往詣鸚鵡之處問言欲立鶴鵠爲主是  
事可不于時鸚鵡觀鶴鵠面而說頌曰  
我不愛鶴鵠 以爲衆鳥主 不瞋面如此

瞋發欲如何

時諸群鳥聞此說已不立爲主便立鸚鵡以爲其主汝諸苾芻勿生異念後十往時鸚鵡即舍

利子是老鵠鵠者即闡陀是昔扶爲主方便遮止今差授事亦方便不聽又無犯者謂最

十三

初犯人或癡狂心亂痛惱所纏

第三攝頌曰

不差至日沒 爲食二種衣 同路及乘船

二屏教化食

衆不差教授苾芻尼學處第二十一之一

內中攝頌曰

佛今難鐸迦 教誡苾芻尼 爲說甚深經  
皆證阿羅漢

爾時佛在室羅伐城逝多林給孤獨園佛於此處爲夏安居與五千苾芻俱有耆宿苾芻尼亦在此王園寺而作安居所謂準陀苾芻尼民陀苾芻尼末臘婆苾芻尼大衣苾芻尼善行苾芻尼曠野苾芻尼明月苾芻尼安隱苾芻尼少力苾芻尼憍答彌蓮華色大世主苾芻尼等大聲聞尼咸於此住時大世主苾

芻尼與五百苾芻尼以爲侍從往詣佛所禮  
佛足已在一面坐爾時世尊爲大世主等宣  
說法要示教利喜令歡慶已告言大世主時  
至可去時大世主聞佛說法頂戴受持禮佛  
是已即便出去爾時世尊見大世主出去之  
後告諸苾芻曰汝等應知我今年衰老朽氣  
力羸憊不復更能爲諸四衆苾芻苾芻尼鄒  
波索迦鄖波私迦宣說法要汝等從今已去  
者宿苾芻應爲次第教授苾芻尼時諸苾芻  
聞佛教已即依次第而爲教授時具壽難鐸

迦次當教授而不願去教授諸尼時大世主  
苾芻尼復與五百苾芻尼往詣佛所廣說如  
前乃至禮佛出去佛見大世主出去之後告  
阿難陀曰今當次誰教授尼衆阿難陀曰比  
來皆是耆宿苾芻更次教授今至具壽難鐸  
卷十  
十四  
迦而情不樂欲教授尼衆時難鐸迦亦在佛  
邊衆內而住爾時佛告難鐸迦曰汝當教授  
苾芻尼應爲諸尼宣說法要何以故難鐸迦  
我當隨力教授苾芻尼汝亦教授苾芻尼我  
爲諸尼宣說法要汝亦如是宣說法要由此

緣故令彼諸尼衆得大利益有大光暉能廣增長獲究竟處汝不應辯教彼尼衆時難鐸迦蒙佛教已默然而受時具壽難鐸迦過於夜分至天曉已於日初分著衣持鉢入室羅伐城次第乞食既得食已還至本處飯食訖收衣鉢嚼齒木洗足已旋入房中宴默而住時難鐸迦於晡後時從定而起著僧伽胝將一苾芻以爲後從向王園寺欲教授苾芻尼既至彼已時諸尼衆遙見難鐸迦來白言善來大德即爲敷座請其安坐時諸苾芻尼禮

難鐸迦足已於一面坐時難鐸迦告諸苾芻尼曰我今爲諸姊妹說問答法門汝等善聽若解者言解若不解者言不解於義善解如理修行於義不決當可覆問大德此言之義我未能解諸苾芻尼聞是教已白難鐸迦曰  
優十十五  
大德我蒙善教深生希有慶悅無已如是大德善教我等我等咸皆隨所教事而爲問答一苾芻以爲後從向王園寺欲教授苾芻尼順理修行時具壽難鐸迦告諸尼曰姊妹汝知內眼處有我我所不諸尼答言大德我不見有又問曰姊妹如眼既爾乃至耳鼻舌身

意內處有我我所不答言大德我不見有何以故大德我等順修正行實作此解以正慧見觀內六處實無有我心生信解了無我故時難鐸迦報諸尼曰善哉姊妹善能解了言所詮義此內六處無我我所如是應知復次姊妹眼色爲緣能生眼識此之識性有我我所不大德無有如是乃至意法爲緣能生意識此等識性有我我所不答言無有何以故如外色處有我我所不諸尼答言大德我不見有又問曰姊妹如色既爾乃至聲香味觸法外處有我我所不答言大德我不見有何以故大德我等順修正行實作此解以正慧見觀外六處實無有我心生信解了無我故時

難鐸迦報諸尼曰善哉姊妹善能解了言所詮義此外六處無我我所如是應知復次姊妹眼色爲緣能生眼識此之識性有我我所不大德無有如是乃至意法爲緣能生意識此等識性有我我所不答言無有何以故如上廣說乃至如是應知復次姊妹眼色識三和能生觸能生於能生眼識由此三和能生於觸此觸有我我所不乃至意法識三能生於觸此觸有我我所不答言無有何以故如上廣說乃至如是應知復次姊妹此眼色識三和生觸能生於

受此受有我我所不乃至後三因觸生受此受有我我所不答言無有何以故如上廣說乃至如是應知復次姊妹此眼色識三和生觸此觸生受此受生愛此愛有我我所不乃

四十一

十六

如上廣說乃至如是應知復次姊妹譬如因器油炷及火方有燄生姊妹如燄無常乃至火炷油器皆亦無常姊妹若復有人作如是說器油炷火雖是無常然依此等所生喜樂定是堅固不可變壞常住之法如是說時可說

說此人爲實語不答言大德斯非實語何以故此器油等皆無常故所生之燄豈得是常姊妹如是內六處無常若復有人作如是說此內六處雖是無常然依此等所生喜樂定是堅固不可變壞常住之法如是說時可說此人爲實語不答言大德斯非實語何以故乃至廣說大德我等順修正行實作此解以正慧見觀內六處皆是無常心生信解由彼彼法生故此此法生彼彼法滅故此法滅終能獲得寂靜清涼解脫之處難鐸迦報諸定是堅固不可變壞常住之法如是說時可

尼曰善哉善哉姊妹若能解了言所詮義心  
生信解了是無常由彼彼法生故此法生  
彼彼法滅故此法滅終能獲得寂靜清涼  
解脫之處復次姊妹譬喻大樹根莖内外枝  
葉華果真實具足此之大樹根是無常乃至  
第十七  
華葉皆亦無常若復有人作如是說此樹根  
等皆悉無常然而樹影定是堅固不可變壞  
常住之法如是說時可說言大德斯非實語  
何以故廣說如前乃至終能獲得解脫之處復次姊  
妹更說譬喻諸有智者以譬喻故能解其義如善屠牛人及諸弟子手執利刀  
言大德斯非實語何以故此之大樹根莖枝  
葉乃至華果皆悉無常若無根等所依之物

能依之影皆不得有難驛迦曰姊妹外之六  
處皆悉無常亦復如是若有人來作如是語  
外之六處皆是無常然而依此所生樂觸定  
是堅固不可變壞常住之法如是說時可說  
此人爲實語不答言大德斯非實語何以故  
廣說如前乃至終能獲得解脫之處復次姊  
妹更說譬喻諸有智者以譬喻故能解其義如善屠牛人及諸弟子手執利刀  
斷其牛命方便剝剥外皮內肉皆不傷損然  
於腹中肝肚腸胃細割斬截悉皆除棄重取

其皮周徧蓋覆姊妹有人見時作如是語此牛與皮相連不別是有命牛可說此人是實語不答言大德斯非實語何以故此屠牛人及餘弟子手執利刀斷牛命時雖不損皮肉然於腹中肝肚腸胃割截除棄但重取皮周徧蓋覆此肉與皮不相連著姊妹我舉此喻欲曉餘義如理應知所言牛者謂有色身麤重四大父母精血羯刺羅等聚集成就復以飲食共相資養假藉塗香及澡浴等終歸磨滅破壞消散言內肉者謂內六處言外皮者

謂外六處腹中五藏者謂欲貪等言善屠牛人及餘弟子者謂是多聞利智聲聞弟子言利刀者謂智慧刀謂佛子心持慧劍斬彼相應繫縛煩惱及諸隨惑對治損壞悉皆除棄是故汝等了斯事已當勤修學勿爲放逸後生悔恨姊妹若於汝等情所染著愛樂之處當善防心染未斷故於可瞋境當善防心瞋未斷故於愚癡境當善防心由癡未斷故於四念住當善護心正觀而住修念住已於七菩提分法應善修習多爲修習於菩提分既

卷十

十八

修習多修習已於八支道正念成就能除欲漏除欲漏已有漏無明漏心當厭捨生厭捨故便得解脫得解脫已證解脫智見即能了達我生已盡梵行已立所作已辦不受後有波等姊妹如是應學爾時具壽難鐸迦爲諸尼衆示教利喜宣說法已從座而去既至明日時大世主與五百苾芻尼還至佛所如常威儀聽妙法已禮佛而去佛見大世主出去之後告諸苾芻尼曰汝等觀此難鐸迦爲波五百苾芻尼正教正誠今得解脫而未證究竟竟

若於今日而命終者我不見彼諸苾芻尼有一繫縛煩惱而不除斷由斯結惑爲羈絆故重來此世而更受生汝等苾芻尼譬如白月十四日月在空中人皆觀見咸悉有疑云此明月爲滿不滿然此明月不是圓滿由未究竟故如是難鐸迦苾芻爲彼五百苾芻尼正教正誠令得解脫而未證究竟若於今日而命終者我不見彼諸苾芻尼有一繫縛煩惱而不除斷由斯結惑爲羈絆故重來此世而更受生爾時世尊記彼五百苾芻尼得不還果

已告難鐸迦曰汝當教誠諸苾芻尼爲說妙法今速出離何以故我及於汝教誠諸尼令其解脫時難鐸迦聞佛教已默然受教時具壽難鐸迦至明日已於初分時著衣持鉢入大城中次第乞已還至本處飯食訖收衣鉢嚼齒木澡漱已於外洗足入房宴坐至日晡時從定而起著僧伽胝將一苾芻以為從者詣王園寺欲教授苾芻尼既至彼已時諸尼衆遙見難鐸迦來白言善來大德即爲敷座請其安坐時諸苾芻尼禮難鐸迦足已於一

面坐時難鐸迦爲諸尼衆宣說法要示教利益既說法已從座而去時大世主苾芻尼將五百尼衆往世尊所禮足已廣說如前乃至禮佛而去爾時世尊尼衆去後告諸苾芻曰汝等觀此難鐸迦苾芻已正教誠五百苾芻尼悉令解脫得究竟處不是諸尼衆若於今日而命終者我不見彼一人於生死路而重遊履故於今時盡諸苦際汝等苾芻譬如白月至十五日月處空中人皆覩見無復生疑云此明月爲滿不滿然此明月是極圓滿由

究竟故如是難鐸迦苾芻爲彼五百苾芻尼

正教正誠今得解脫入究竟處若於今日而  
命終者流轉路絕不復受生爾時世尊記五  
百苾芻尼得阿羅漢果已諸苾芻衆聞佛所  
說歡喜信受

優才

二十

根本說一切有部毗奈耶卷第三十

音釋

曉

許云日入也

切

棚

薄薪也

崩

崩墮

崩地騰切壞也

隕

墮徒切

隕

隕切

隕

隕器也

跋

許云胡加也

切

縷

力主切

縷

繩也

篇

市綠切

篇

篇竹器也

鵠

鵠切

鵠器也

跋

許云祖尊也

切

店

伎點切

店

戶社也

鵠

鵠切

鵠

鵠切

鵠器也

鵠

鵠器也

剥

許云剥也

切

剥

剥也

鵠

鵠切

鵠

鵠切

鵠器也

鵠

鵠器也

鵠

鵠器也

永樂北藏

一切有部毗奈耶

第八二册